

Aningaasaliisartunut aamma aningaasalersuisartunut qularnaveeqquusiisarnermik aningaasaatit pillugit inatsisip Kalaallit Nunaannut atuutsilernissaa pillugu peqqussutinik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut
(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Akissuteqaat

(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Aappassaaneerinnineq

Naalakkersuisut sinnerlugit ataatsimiititaliaq qutsavigissavara siunnersuummik peqqissaartumik suliaqarsimanerannik.

Naalakkersuisut maluginiarpaat ataatsimiititaliap isumaqatigiilluni siunnersuutip akuersissutigineqarnissaa inassutigigaa, tamannalu nuannaarutigaarput.

Aningaasaliisartunut aamma aningaasalersuisartunut qularnaveeqquusiisarnermik aningaasaatit pillugit inatsisip Kalaallit Nunaannut atuutsilernissaa pillugu peqqussutinik Namminersorlutik Oqartussat akuersissuteqarnissaat pillugu suliaq nunatsinni aningaasaliisarnermik inuussutissarsiortunut atugassarititaasunik killiliussanik nutarterinerup ukiuni makkunani suliarineqartup ilagaa.

Siunnersuutikkut nunarput peqataalissaaq danskit europamiullu allat aningaasaliisartut sulineranni annertussutsinik assigiissaagaasunik atuisarnermi. Siunnersuutip akuersissutigineqarnerani Kalaallit Nunaat siunissami nukittunerulissaaq.

Piffissaq atortuulerfissaa 1. januar 2020, qularnaarissaaq pissusissamisoornerusumik aalajangersakkanik aningaasalersuisartut akornanni atortuulersitsinissamat periarfissaqarnissamik. Suliamilu matumani tusarniarneqartartunit kissaatigineqartoq taanna akuersaarneqarsimavoq, soorlu siunnersuummut oqaaseqaatini oqaatigineqartoq.

Taamaattumillu Naalakkersuisut tungaanniit iluarisimaarparput suliap matuma siammasissumik tapersorsorneqarnera.

Taamatut oqaaseqarluta siunnersuut Inatsisartunut inussiarnersumik suliarineqarnissaanut tunniupparput.